

# প্রান্তিক — প্রচ্ছদ

রবীন্দ্রনাথ ঠাকুর



১৯৩৭

02/23/19 তারিখে উইকিসংকলন থেকে রপ্তানিকৃত

# ରବୀନ୍ଦ୍ରନାଥ ଠାକୁର



বিশ্বভারতী-গ্রন্থালয়

২১০নং কৰ্নওআলিস্ স্ট্রীট, কলিকাতা

---

বিশ্বভারতী-গ্রন্থন-বিভাগ

২১০নং কৰ্নওআলিস্ স্ট্রীট, কলিকাতা

প্রকাশক—শ্রীকিশোরীমোহন সাঁতরা

---

প্রান্তিক

---

১ম সংস্করণ ... পৌষ, ১৩৪৪ সাল  
পুনর্মুদ্রণ ... কার্তিক, ১৩৪৬ সাল

—  
মূল্য—আট আনা।

---

শান্তিনিকেতন প্রেস হইতে  
প্রভাতকুমার মুখোপাধ্যায় কর্তৃক মুদ্রিত

---

প্রান্তিক



# সূচীপত্র

পরিচ্ছেদ

১

২

৩

৪

৫

৬

৭

৮

৯

১০

১১

১২

১৩

১৪

১৫

১৬

১৭

১৮

এই লেখাটি বর্তমানে [পাবলিক ডোমেইনের](#)  
আওতাভুক্ত কারণ এটির উৎসস্থল [ভারত](#) এবং  
[ভারতীয় কপিরাইট আইন, ১৯৫৭](#) অনুসারে এর



কপিরাইট মেয়াদ উত্তীর্ণ হয়েছে। লেখকের মৃত্যুর ৬০ বছর পর (স্বনামে ও জীবদ্দশায় প্রকাশিত) বা প্রথম প্রকাশের ৬০ বছর পর (বেনামে বা ছদ্মনামে এবং মরণোত্তর প্রকাশিত) পঞ্জিকাবর্ষের সূচনা থেকে তাঁর সকল রচনার কপিরাইটের মেয়াদ উত্তীর্ণ হয়ে যায়।  
অর্থাৎ ২০১৯ সালে, ১ জানুয়ারি ১৯৫৯ সালের পূর্বে প্রকাশিত (বা পূর্বে মৃত লেখকের) সকল রচনা পাবলিক ডোমেইনের আওতাভুক্ত হবে।



বিশ্বের আলোকলুপ্ত তিমিরের অন্তরালে এল  
 মৃত্যুদূত চুপে চুপে, জীবনের দিগন্ত আকাশে  
 যত ছিল সূক্ষ্ম ধূলি স্তরে স্তরে দিল ধৌত করি  
 ব্যথার দ্রাবক রসে দারুণ স্বপ্নের তলে তলে  
 চলেছিল পলে পলে দৃঢ়হস্তে নিঃশব্দে মার্জনা ।  
 কোন্ক্ষণে নটলীলা-বিধাতার নব নাট্যভূমে  
 উঠে গেল যবনিকা। শূন্য হতে জ্যোতির তর্জনী  
 স্পর্শ দিল একপ্রান্তে স্তম্ভিত বিপুল অন্ধকারে,  
 আলোকের খরহর শিহরণ চমকি চমকি  
 ছুটিল বিদ্যুৎবেগে অসীম তন্দ্রার স্তূপে স্তূপে,  
 দীর্ণ দীর্ণ করি' দিল তারে। গ্রীষ্মরিক্ত অবলুপ্ত  
 নদীপথে অকস্মাৎ প্লাবনের দুরন্ত ধারায়  
 বন্যার প্রথম নৃত্য শুঙ্কতার বক্ষে বিসর্পিয়া  
 ধায় যথা শাখায় শাখায়;—সেইমতো জাগরণ

শূন্য আঁধারের গূঢ় নাড়ীতে নাড়ীতে, অন্তঃশীলা  
 জ্যোতির্ধারা দিল প্রবাহিয়া। আলোকে আঁধারে মিলি  
 চিত্তাকাশে অর্ধস্ফুট অস্পষ্টের রচিল বিদ্রম।  
 অবশেষে দ্বন্দ্ব গেল ঘুচি'। পুরাতন সম্মোহের  
 স্থূল কারা-প্রাচীর বেঁটন, মুহূর্তেই মিলাইল  
 কুহেলিকা। নূতন প্রাণের সৃষ্টি হোলো অবারিত  
 স্বচ্ছ শুভ্র চৈতন্যের প্রথম প্রত্যুষ অভ্যুদয়ে।  
 অতীতের সঞ্চয়-পুঞ্জিত দেহখানা, ছিল যথা  
 আসনের বক্ষ হতে ভবিষ্যের দিকে মাথা তুলি'  
 বিদ্যুৎগিরি ব্যবধান সম, আজ দেখিলাম



প্রভাতের অবসন্ন মেঘ তাহা, শ্রস্ত হয়ে পড়ে  
দিগন্ত বিচ্যুত। বন্ধমুক্ত আপনারে লভিলাম  
সুদূর অন্তরাকাশে ছায়াপথ পার হয়ে গিয়ে  
অলোক আলোকতীরে সূক্ষ্মতম বিলয়ের তটে।

শান্তিনিকেতন

২৫।৯।৩৭

---

ওরে চিরভিক্ষু, তোর আজন্মকালের ভিক্ষাবুলি  
চরিতার্থ হোক আজি, মরণের প্রসাদবহিতে  
কামনার আবর্জনা যত, ক্ষুধিত অহমিকার  
উষ্ণবৃত্তি-সঞ্চিত জঞ্জালরাশি দগ্ন হয়ে গিয়ে  
ধন্য হোক আলোকের দানে, এ মর্ত্যের প্রান্ত-পথ  
দীপ্ত ক'রে দিক, অবশেষে নিঃশেষে মিলিয়া যাক  
পূর্ব সমুদ্রের পারে অপূর্ব উদয়াচল চূড়ে  
অরণ্য কিরণ তলে একদিন অমর্ত্য প্রভাতে।

শান্তিনিকেতন

২৯।৯।৩৭

---

এ জন্মের সাথে লগ্ন স্বপ্নের জটিল সূত্র যবে  
 ছিঁড়িল অদৃশ্যঘাতে, সে মুহূর্তে দেখিনু সম্মুখে  
 অজ্ঞাত সুদীর্ঘ পথ অতি দূর নিঃসঙ্গের দেশে  
 নিরাসক্ত নির্মমের পানে। অকস্মাৎ মহা একা  
 ডাক দিল একাকীকে প্রলয় তোরণ চূড়া হতে ।  
 অসংখ্য অপরিচিত জ্যোতিষ্কের নিঃশব্দতা মাঝে  
 মেলিনু নয়ন; জানিলাম একাকীর নাই ভয়,  
 ভয় জনতার মাঝে; একাকীর কোনো লজ্জা নাই,  
 লজ্জা শুধু যেথা সেথা যার তার চক্ষুর ইঙ্গিতে।  
 বিশ্বসৃষ্টিকর্তা একা, সৃষ্টিকাজে আমার আহ্বান

বিরিট নেপথ্যলোকে তাঁর আসনের ছায়াতলে ।  
 পুরাতন আপনার ধ্বংসোন্মুখ মলিন জীর্ণতা  
 ফেলিয়া পশ্চাতে, রিক্তহস্তে মোরে বিরচিত হবে  
 নূতন জীবনচ্ছবি শূন্য দিগন্তের ভূমিকায়।

শান্তিনিকেতন

২৯।৯।৩৭



সত্য মোর অবলিপ্ত সংসারের বিচিত্র প্রলেপে,  
 বিবিধের বহু হস্তক্ষেপে, অযত্নে অনবধানে  
 হারালো প্রথম রূপ, দেবতার আপন স্বাক্ষর  
 লুপ্ত প্রায়; ক্ষয়-ক্ষীণ জ্যোতির্ময় আদি মূল্য তার।  
 চতুষ্পথে দাঁড়াল সে ললাটে পণ্যের ছাপ নিয়ে  
 আপনাকে বিকাইতে, অক্ষিত হতেছে তার স্থান  
 পথে-চলা সহস্রের পরীক্ষা-চিহ্নিত তালিকায়।  
 হেনকালে একদিন আলো-আঁধারের সন্ধি-স্থলে  
 আরতি শঙ্খের ধ্বনি যে-লগ্নে বাজিল সিন্ধুপারে,  
 মনে হোলো, মুহূর্তেই থেমে গেল সব বেচাকেনা,  
 শান্ত হল আশা-প্রত্যাশার কোলাহল। মনে হোলো,  
 পবের মুখের মূল্য হতে মুক্ত, সব চিহ্ন-মোছা

অসজ্জিত আদি-কৌলীন্যের শান্ত পরিচয় বহি  
 যেতে হবে নীরবের ভাষাহীন সংগীত-মন্দিরে  
 একাকীর একতারা হাতে। আদিম সৃষ্টির যুগে  
 প্রকাশের যে আনন্দ রূপ নিল আমার সত্যায়  
 আজ ধূলিমগ্ন তাহা, নিদ্রাহারা রুগ্ন বুড়ুক্ষার  
 দীপধূমে কলঙ্কিত। তারে ফিবে নিয়ে চলিয়াছি  
 মৃত্যুগ্নানতীর্থতটে সেই আদি নিব্বর্তলায়।  
 বুঝি এই যাত্রা মোর স্বপ্নের অরণ্যবীথিপারে  
 পূর্ব ইতিহাসধৌত অকলঙ্ক প্রথমের পানে।  
 যে প্রথম বারে বারে ফিবে আসে বিশ্বের সৃষ্টিতে  
 কখনো বা অগ্নিবর্ষী প্রচণ্ডের প্রলয় হংকারে,

কখনো বা অকস্মাৎ স্বপ্নভাঙা পরম বিস্ময়ে  
শুকতারানিমগ্নিত আলোকের উৎসব প্রাপ্তে।

শান্তিনিকেতন

১।১০।৩৭

---

পশ্চাতের নিত্যসহচর, অকৃতার্থ হে অতীত,  
 অতৃপ্ত তৃষ্ণার যত ছায়ামূর্তি প্রেতভূমি হতে  
 নিয়েছ আমার সঙ্গ, পিছু-ডাকা অক্লান্ত আগ্রহে  
 আবেশ-আবিল সুরে বাজাইছ অস্ফুট সেতার,  
 বাসাছাড়া মৌমাছির গুন গুন গুঞ্জরণ যেন  
 পুষ্পরিক্ত মৌনী বনে। পিছু হতে সম্মুখের পথে  
 দিতেছ বিস্তীর্ণ করি' অস্ত শিখরের দীর্ঘ ছায়া  
 নিরন্ত ধূসর পাণ্ডু বিদায়ের গোধূলি রচিয়া।  
 পশ্চাতের সহচর, ছিন্ন করো স্বপ্নের বন্ধন;  
 রেখেছ হরণ করি' মরণের অধিকার হতে

বেদনার ধন যত, কামনার রঙিন ব্যর্থতা,  
 মৃত্যুরে ফিরায়ে দাও। আজি মেঘমুক্ত শরতের  
 দূরে-চাওয়া আকাশেতে ভারমুক্ত চির পথিকের  
 বাঁশিতে বেজেছে ধ্বনি, আমি তারি হব অনুগামী।

শান্তিনিকেতন

৪।১০।৩৭

---

মুক্তি এই—সহজে ফিরিয়া আসা সহজের মাঝে,  
 নহে কৃচ্ছ্রসাধনায় ক্লিষ্ট কৃশ বধিত প্রাণের  
 আশ্রয় অস্বীকারে। রিক্ততায় নিঃস্বতায়, পূর্ণতার  
 প্রেতচ্ছবি ধ্যান করা অসম্মান জগৎলক্ষীর।  
 আজ আমি দেখিতেছি, সম্মুখে মুক্তির পূর্ণরূপ  
 ওই বনস্পতি মাঝে, উর্ধ্বের তুলি' ব্যগ্র শাখা তার  
 শরৎ প্রভাতে আজি স্পর্শিছে সে মহা অলক্ষ্যে  
 কম্পমান পল্লবে পল্লবে; লভিল মঞ্জার মাঝে  
 সে মহা আনন্দ যাহা পরিব্যাপ্ত লোকে লোকান্তরে,  
 বিচ্ছুরিত সমীরিত আকাশে আকাশে, স্ফুটোন্মুখ  
 পুষ্পে পুষ্পে, পাখিদের কণ্ঠে কণ্ঠে স্বত উৎসারিত।

সন্ন্যাসীর গৈরিক বসন লুকায়েছে তৃণতলে  
 সর্ব আবর্জনাগ্রাসী বিরাট ধুলায়, জপমন্ত্র  
 মিলে গেছে পতঙ্গ-শুঙ্কনে। অনিশেষে যে-তপস্যা  
 প্রাণরসে উচ্ছ্বসিত, সব দিতে সব নিতে  
 যে বাড়াল কমণ্ডলু দ্যুলোকে ডুলোকে, তারি বর  
 পেয়েছি অন্তরে মোর, তাই সর্ব দেহমন প্রাণ  
 সূক্ষ্ম হয়ে প্রসারিল আজি ওই নিঃশব্দ প্রান্তরে  
 ছায়াবৌদ্ধে হেথাহোথা যেথায় রোমন্থরত ধেনু  
 আলস্যে শিথিল অঙ্গ, তৃপ্তিরস-সম্ভোগ তাদের  
 সঞ্চারিছে ধীরে মোর পুলকিত সত্তার গভীরে।  
 দলে দলে প্রজাপতি বৌদ্ধ হতে নিতেছে কাঁপায়ে  
 নীরব আকাশবাণী শেফালীর কানে কানে বলা,

তাহারি বীজন আজি শিৰায় শিৰায় রক্তে মোর  
মৃদু স্পর্শে শিহরিত তুলিছে হিল্লোল।

হে সংসার

আমাকে বারেক ফিরে চাও; পশ্চিমে যাবার মুখে  
বর্জন কোরো না মোরে উপেক্ষিত ভিক্ষুকের মতো।

জীবনের শেষপাত্র উচ্ছলিয়া দাও পূর্ণ করি',  
দিনান্তের সর্বদানযজ্ঞে যথা মেঘের অঞ্জলি  
পূর্ণ করি দেয় সন্ধ্যা, দান করি' চরম আলোর  
অজস্র ঐশ্বর্যরাশি সমুজ্জ্বল সহস্র রশ্মির,—  
সর্বহর আঁধারের দস্যুবৃতি ঘোষণার আগে।

শান্তিনিকেতন

৪।১০।৩৭

---



এ কী অকৃতজ্ঞতার বৈরাগ্য প্রলাপ ক্ষণে ক্ষণে  
বিকারের রোগীসম অকস্মাৎ ছুটে যেতে চাওয়া  
আপনার আবেষ্টন হতে।

ধন্য এ জীবন মোর—

এই বাণী গাব আমি, প্রভাতে প্রথম-জাগা পাখি  
যে সুরে ঘোষণা করে আপনাতে আনন্দ আপন।  
দুঃখ দেখা দিয়েছিল, খেলায়েছি দুঃখ-নাগিনীকে  
ব্যথার বাঁশির সুরে। নানা রন্ধ্রে প্রাণের ফোয়ারা  
করিয়াছি উৎসারিত অন্তরের নানা বেদনায়।  
এঁকেছি বুকের রক্তে মানসীর ছবি, বারবার  
ক্ষণিকের পটে, মুছে গেছে রাত্রির শিশির জলে,

মুছে গেছে আপনার আগ্রহ স্পর্শনে,—তবু আজো  
আছে তারা সূক্ষ্ম রেখা স্বপনের চিত্রশালা জুড়ে,  
আছে তারা অতীতের শুষ্ক মাল্যগন্ধে বিজড়িত।  
কালের অঞ্জলি হতে ভ্রষ্ট কত অব্যক্ত মাধুরী  
রসে পূর্ণ করিয়াছে থরে থরে মনের বাতাস,  
প্রভাত আকাশ যথা চেনা অচেনার বহু সুরে  
কূজনে গুঞ্জনে ভরা। অনভিজ্ঞ নব কৈশোরের  
কম্পমান হাত হতে স্থলিত প্রথম বরমালা  
কণ্ঠে ওঠে নাই, তাই আজিও অক্লিষ্ট অমলিন  
আছে তার অস্ফুট কলিকা। সমস্ত জীবন মোর  
তাই দিয়ে পুষ্প-মুকুটিত। পেয়েছি যা অযাচিত  
প্রেমের অমৃতরস, পাইনি যা বহু সাধনায়

দুই মিশেছিল মোৰ পীড়িত যৌবনে। কল্পনায়  
বাস্তবে মিশ্ৰিত, সত্যে ছলনায়, জয়ে পৰাজয়ে  
বিচিত্ৰিত নাট্যধাৰা বেয়ে, আলোকিত রঙ্গমঞ্চ  
প্ৰচ্ছন্ন নেপথ্যভূমে, সুগভীৰ সৃষ্টিৰহস্যে  
যে প্ৰকাশ পৰে পৰে পৰ্যায়ে পৰ্যায়ে উদ্বাৰিত

আমাৰ জীৱন ৰচনায়, তাহাৰে বাহন কৰি,  
স্পৰ্শ কৰেছিল মোৰে কতদিন জাগৰণক্ষণে  
অপৰূপ অনিৰ্চনীয়। আজি বিদায়েৰ বেলা  
স্বীকাৰ কৰিব তাৰে, সে আমাৰ বিপুল বিস্ময়।  
গাব আমি, হে জীৱন, অস্তিত্বৰ সাৰথী আমাৰ,  
বহু ৰণক্ষেত্ৰ তুমি কৰিয়াছ পাৰ, আজি লয়ে যাও  
মৃত্যুৰ সংগ্ৰামশেষে নবতৰ বিজয়যাত্ৰায়।

শান্তিনিকেতন

৭।১০।৩৭

---

বঙ্গমঞ্চে একে একে নিবে গেল যবে দীপশিখা  
 রিক্ত হোলো সভাতল, আঁধারের মসী-অবলেপে  
 স্বপ্নচ্ছবি-মুছেয়াওয়া সুমুপ্তির মতো শান্ত হোলো  
 চিত্ত মোর নিঃশব্দের তর্জনী সংকেতে। এতকাল  
 যে সাজে রচিয়াছিঁনু আপনার নাট্য পরিচয়  
 প্রথম উঠিতে যবনিকা, সেই সাজ মুহূর্তেই  
 হোলো নিরর্থক। চিহ্নিত করিয়াছিঁনু আপনাবে  
 নানা চিহ্নে, নানা বর্ণ প্রসাধনে সহস্রের কাছে,  
 মুছিল তা, আপনাতে আপনার নিগূঢ় পূর্ণতা  
 আমারে করিল স্তব্ধ, সূর্যাস্তের অস্তিম সঁকারে  
 দিনান্তের শূন্যতায় ধরার বিচিত্র চিত্রলেখা  
 যখন প্রচ্ছন্ন হয়, বাধামুক্ত আকাশ যেমন  
 নির্বাক বিস্ময়ে স্তব্ধ তারাদীপ্ত আশ্মপরিচয়ে।

শান্তিনিকেতন

৯।১০।৩৭

---

দেখিলাম অবসন্ন চেতনার গোধূলিবেলায়  
 দেহ মোর ভেসে যায় কালো কালিন্দীর স্রোত বাহি  
 নিয়ে অনুভূতিপুঞ্জ, নিয়ে তার বিচিত্রবেদনা,  
 চিত্রকরা আচ্ছাদনে আজন্মের স্মৃতির সঞ্চয়,  
 নিয়ে তার বাঁশিখানি। দূর হতে দূরে যেতে যেতে  
 ম্লান হয়ে আসে তার রূপ, পরিচিত তীরে তীরে  
 তরুচ্ছায়া-আলিঙ্গিত লোকালয়ে ক্ষীণ হয়ে আসে  
 সন্ধ্যা-আরতির ধ্বনি, ঘরে ঘরে রুদ্ধ হয় দ্বার,  
 ঢাকা পড়ে দীপশিখা, নৌকা বাঁধা পড়ে ঘাটে।  
 দুই তটে ক্ষান্ত হোলো পারাপার, ঘনাল রজনী,  
 বিহঙ্গের মৌনগান অরণ্যের শাখায় শাখায়  
 মহানিঃশব্দের পায়ে রচি দিল আশ্রয়বলি তার।

এক কৃষ্ণ অরূপতা নামে বিশ্ববৈচিত্র্যের পরে  
 স্থলে জলে। ছায়া হয়ে বিন্দু হয়ে মিলে যায় দেহ  
 অন্তহীন তমিস্রায়। নক্ষত্রবেদীর তলে আসি  
 একা স্তব্ধ দাঁড়াইয়া, উর্ধ্ব চেয়ে কহি জোড় হাতে—  
 হে পুষন, সংহরণ করিয়াছ তব রশ্মিজাল,  
 এবার প্রকাশ করো তোমার কল্যাণতমরূপ,  
 দেখি তারে যে পুরুষ তোমার আমার মাঝে এক।

শান্তিনিকেতন

৮।১২।৩৭





মৃত্যুদূত এসেছিল হে প্রলয়ংকর, অকস্মাৎ  
 তব সভা হতে। নিয়ে গেল বিরাট প্রাঙ্গণে তব;  
 চক্ষে দেখিলাম অন্ধকার; দেখিনি অদৃশ্য আলো  
 আঁধারের স্তরে স্তরে অন্তরে অন্তরে, যে আলোক  
 নিখিল জ্যোতির জ্যোতি; দৃষ্টি মোর ছিল আচ্ছাদিয়া  
 আমার আপন ছায়া। সেই আলোকের সামগান  
 মন্দিয়া উঠিবে মোর সত্তার গভীর গুহা হতে  
 সৃষ্টির সীমান্ত জ্যোতির্লোকে, তারি লাগি ছিল মোর  
 আমন্ত্রণ। লব আমি চরমের কবিস্বমর্যাদা  
 জীবনের রঙ্গভূমে, এরি লাগি সেধেছিঁনু তান।

বাজিল না রুদ্রবীণা নিঃশব্দ ভৈরব নবরাগে,  
 জাগিল না মর্মতলে ভীষণের প্রসন্ন মুরতি  
 তাই ফিরাইয়া দিলে। আসিবে আরেক দিন যবে  
 তখন কবির বাণী পরিপক্ব ফলের মতন  
 নিঃশব্দে পড়িবে খসি' আনন্দের পূর্ণতার ভাবে  
 অনন্তের অর্ঘ্যডালি পরে। চরিতার্থ হবে শেষে  
 জীবনের শেষমূল্য, শেষযাত্রা, শেষনিমন্ত্রণ।

শান্তিনিকেতন

৮।১২।৩৭



কলরবমুখরিত খ্যাতির প্রাঙ্গণে যে আসন  
 পাতা হয়েছিল কবে, সেথা হতে উঠে এসো, কবি,  
 পূজা সাস্র করি দাও চাটুলুঝ জনতা-দেবীরে  
 বচনের অর্ঘ্য বিরচিয়া। দিনের সহশ্র কণ্ঠ  
 ক্ষীণ হয়ে এল; যে প্রহরগুলি ধ্বনি-পণ্যবাহী  
 নোঙর ফেলেছে তারা সন্ধ্যার নির্জন ঘাটে এসে।  
 আকাশের আঙিনায় শান্ত যেথা পাখির কাকলী  
 সুরসভা হতে সেথা নৃত্যপরা অঙ্করকন্যার  
 বাস্প-বোনা চেলাঞ্চল উড়ে পড়ে, দেহ ছড়াইয়া  
 স্বর্ণোজ্জ্বল বর্ণরশ্মিচ্ছটা। চরম ঐশ্বর্য নিয়ে  
 অস্তলগনের, শূন্য পূর্ণ করি এল চিত্রভানু,  
 দিল মোরে করস্পর্শ, প্রসারিল দীপ্ত শিল্পকলা

অন্তরের দেহলিতে, গভীর অদৃশ্যালোক হতে  
 ইশারা ফুটিয়া পড়ে তুলির বেখায়। আজন্মের  
 বিচ্ছিন্ন ভাবনা যত, শ্রোতের স্ফেঁউলি-সম যারা  
 নিরর্থক ফিরেছিল অনিশ্চিত হাওয়ায় হাওয়ায়,  
 রূপ নিয়ে দেখা দেবে ভাঁটার নদীর প্রান্ত তীরে  
 অনাদৃত মঞ্জুরীর অজানিত আগাছার মতো,—  
 কেহ শুধাবে না নাম, অধিকারগর্ব নিয়ে তার  
 ঈর্ষা রহিবে না কারো, অনামিক স্মৃতি-চিহ্ন তারা  
 খ্যাতিশূন্য অগোচরে র'বে যেন অস্পষ্ট বিস্মৃতি।

শান্তিনিকেতন

56152109





শেষের অবগাহন সাঙ্গ করো, কবি, প্রদোষের  
 নির্মল তিমির তলে। ভূতি তব সেবার শ্রমের  
 সংসার যা দিয়েছিল আঁকড়িয়া রাখিযো না বুক;  
 এক প্রহরের মূল্য আরেক প্রহরে ফিরে নিতে  
 কুঠা কড়ু নাহি তার; বাহির দ্বারের যে দক্ষিণা  
 অন্তরে নিযো না টেনে এ মুদ্রার স্বর্ণলেপটুকু  
 দিনে দিনে হাতে হাতে ক্ষয় হয়ে লুপ্ত হয়ে যাবে,  
 উঠিবে কলঙ্কলেখা ফুটি। ফল যদি ফলায়েছ বনে  
 মাটিতে ফেলিয়া তার হোক অবসান। সাঙ্গ হোলো  
 ফুল ফোটাবার ঋতু, সেই সঙ্গে সাঙ্গ হয়ে যাক  
 লোকমুখবচনের নিশ্বাসপবনে দোল খাওয়া।  
 পুরস্কার প্রত্যাশায় পিছু ফিরে বাড়াযো না হাত

যেতে যেতে; জীবনে যা-কিছু তব সত্য ছিল দান  
 মূল্য চেয়ে অপমান করিযো না তারে; এ জনমে  
 শেষ ত্যাগ হোক তব ভিক্ষাবুলি, নব বসন্তের  
 আগমনে অরণ্যের শেষ শুষ্ক পত্রগুচ্ছ যথা।  
 যার লাগি আশাপথ চেয়ে আছ সে নহে সম্মান,  
 সে যে নব জীবনের অরণ্যের আহ্বান-ইঙ্গিত,  
 নব জাগ্রতের ডালে প্রভাতের জ্যোতির তিলক।

শান্তিনিকেতন

\_\_\_\_\_

একদা পরমমূল্য জন্মক্ষণ দিয়েছে তোমায়  
 আগন্তুক। রূপের দুর্লভ সত্তা লভিয়া বসেছ  
 সূর্যনক্ষত্রের সাথে। দূর আকাশের ছায়াপথে  
 যে আলোক আসে নামি' ধরণীর শ্যামল ললাটে  
 সে তোমার চক্ষু চুম্বি' তোমাতে বেঁধেছে অনুক্ষণ  
 সখ্যেডোরে দ্যুলোকের সাথে; দূর যুগান্তর হতে  
 মহাকাল-যাত্রী মহাবাগী পুণ্য মুহূর্তেরে তব  
 শুভক্ষণে দিয়েছে সম্মান; তোমার সম্মুখদিকে  
 আত্মার যাত্রার পন্থ গেছে চলি' অনন্তের পানে  
 সেথা তুমি একা যাত্রী, অফুরন্ত এ মহাবিস্ময়।

শান্তিনিকেতন

১৯।১২।৩৭



যাবার সময় হোলো বিহঙ্গের। এখনি কুলায়  
 রিক্ত হবে। শুক্ল গীতি ভ্রষ্ট নীড় পড়িবে ধুলায়  
 অরণ্যের আন্দোলনে। শুক্ল পত্র জীর্ণ পুষ্প সাথে  
 পথচিহ্নহীন শূন্যে যাবে উড়ে রজনী প্রভাতে  
 অস্তসিন্ধু পরপারে। কতকাল এই বসুন্ধরা  
 আতিথ্য দিয়েছে; কড়ু আশ্রমুকুলের গন্ধে ভরা  
 পেয়েছি আহ্বানবানী ফাল্গুনের দাক্ষিণ্যে মধুর,  
 অশোকের মঞ্জরী সে ইঙ্গিতে চেয়েছে মোর সুর,  
 দিয়েছি তা প্রীতিরসে ভরি'; কখনো বা ঝঙ্কাঘাতে  
 বৈশাখের, কণ্ঠ মোর রুধিয়াছে উত্তপ্ত ধুলাতে,  
 পক্ষ মোর করেছে অক্ষম; সব নিয়ে ধন্য আমি  
 প্রাণের সম্মানে। এ পাবের ক্লান্ত যাত্রা গেলে থামি  
 ক্ষণ তবে পশ্চাতে ফিরিয়া মোর নম্র নমস্কারে  
 বন্দনা করিয়া যাব এ জন্মের অধিদেবতারে।

---

অবরুদ্ধ ছিল বায়ু; দৈত্য সম পুঞ্জ মেঘভার  
 ছায়ার প্রহরীব্যুহে ঘিরে ছিল সূর্যের দুয়ার;  
 অভিভূত আলোকের মূর্ছাতুর ম্লান অসম্মানে  
 দিগন্ত আছিল বাষ্পাকুল। যেন চেয়ে ডুমিপানে  
 অবসাদে-অবনত ক্ষীণশ্বাস চির প্রাচীনতা  
 স্তব্ধ হয়ে আছে বসে দীর্ঘকাল, ডুলে গেছে কথা,  
 ক্লাস্তিভারে আঁখিপাতা বন্ধপ্রায়।

শূন্যে হেনকালে

জয়শঙ্খ উঠিল বাজিয়া। চন্দন তিলক ডালে  
 শরৎ উঠিল হেসে চমকিত গগন প্রাঙ্গণে;  
 পল্লবে পল্লবে কাঁপি বনলক্ষ্মী কিঙ্কিনী কঙ্কণে

বিচ্ছুরিল দিকে দিকে জ্যোতিষ্কণা। আজি হেরি চোখে  
 কোন্ অনির্বচনীয় নবীনেরে তরুণ আলোকে।  
 যেন আমি তীর্থযাত্রী অতিদূর ভাবী কাল হতে  
 মন্ববলে এসেছি ভাসিয়া। উজান স্বপ্নের শ্রোতে  
 অকস্মাৎ উত্তরিনু বর্তমান শতাব্দীর ঘাটে  
 যেন এই মুহূর্তেই। চেয়ে চেয়ে বেলা মোর কাটে।  
 আপনারে দেখি আমি আপন বাহিরে, যেন আমি  
 অপর যুগের কোনো অজানিত, সদ্য গেছে নামি'  
 সত্তা হতে প্রত্যহের আচ্ছাদন; অক্লান্ত বিস্ময়  
 যার পানে চক্ষু মেলি তারে যেন আঁকড়িয়া রয়  
 পুষ্পলগ্ন ভ্রমরের মতো। এই তো ছুটির কাল,  
 সর্ব দেহ মন হতে ছিন্ন হোলো অভ্যাসের জাল,

নগ্ন চিত্ত মগ্ন হোলো সমস্তের মাঝে। মনে ভাবি,  
পুরানোর দুর্গদ্বারে মৃত্যু যেন খুলে দিল চাবি,  
নূতন বাহিরি' এল; তুচ্ছতার জীর্ণ উত্তরীয়  
ঘুচালো সে; অস্তিত্বের পূর্ণ মূল্যে কী অভাবনীয়  
প্রকাশিত তার স্পর্শে, রজনীর মৌন সুবিপুল

প্রভাতের গানে সে মিশায়ে দিল; কালো তার চুল  
পশ্চিম দিগন্ত পারে নামহীন বন-নীলিমায়  
বিস্তারিল রহস্য নিবিড়।

আজি মুক্তিমন্ন গায়  
আমার বক্ষের মাঝে দূরের পথিকচিত্ত মম,  
সংসার যাত্রার প্রান্তে সহমরণের বধু সম।

---

পথিক দেখেছি আমি পুরাণে কীর্তিত কত দেশ  
 কীর্তি-নিঃস্ব আজি; দেখেছি অবমানিত ভগ্নশেষ  
 দর্পোদ্ধত প্রতাপের; অত্তর্হিত বিজয়-নিশান  
 বজ্রাঘাতে শুদ্ধ যেন অউহাসি; বিরাট সম্মান  
 সাষ্টাঙ্গে সে ধুলায় প্রণত, যে ধুলার পরে মেলে  
 সন্ধ্যাবেলা ভিক্ষু জীর্ণ কাঁথা, যে ধুলায় চিহ্ন ফেলে  
 শ্রান্ত পদ পথিকের, পুনঃ সেই চিহ্ন লোপ করে  
 অসংখ্যের নিত্য পদপাতে। দেখিলাম বালুশুরে  
 প্রচ্ছন্ন সুদূর যুগান্তর, ধূসর সমুদ্রতলে  
 যেন মগ্ন মহাতরী অকস্মাৎ ঝঙ্কার্ত বলে  
 লয়ে তার সব ভাষা, সর্ব দিন রজনীর আশা,  
 মুখরিত ক্ষুধাতৃষ্ণা, বাসনা-প্রদীপ্ত ভালবাসা।  
 তবু করি অনুভব বসি' এই অনিত্যের বুকে,  
 অসীমের হৃৎস্পন্দন তরঙ্গিছে মোর দুঃখে সুখে ।

---

যেদিন চৈতন্য মোর মুক্তি পেল লুপ্তিগুহা হতে  
 নিয়ে এল দুঃসহ বিস্ময়ঝড়ে দারুণ দুর্যোগে  
 কোন্ নরকান্নিগিরিগহ্বরের তটে; তপ্তধূমে  
 গর্জি উঠি ফুঁসিছে সে মানুষের তীব্র অপমান,  
 অমঙ্গলধ্বনি তার কম্পায়িত করে ধরাতল,  
 কালিমা মাখায় বায়ুস্তরে। দেখিলাম একালের  
 আশ্মঘাতী মূঢ় উন্মত্ততা, দেখিনু সর্বাস্তে তার  
 বিকৃতির কদর্য বিদ্রূপ। একদিকে স্পর্ধিত ক্রুরতা,  
 মত্ততার নির্লজ্জ হংকার, অন্যদিকে ভীকৃতার  
 দ্বিধাগ্রস্ত চরণ-বিক্ষেপ, বক্ষে আলিঙ্গিয়া ধরি  
 কৃপণের সতর্ক সম্বল; সন্ত্রস্ত প্রাণীর মতো  
 ক্ষণিক গর্জন অস্ত্রে ক্ষীণস্বরে তখনি জানায়  
 নিরাপদ নীরব নশ্রতা। রাষ্ট্রপতি যত আছে

প্রৌঢ় প্রতাপের, মন্ত্রসভাতলে আদেশ নির্দেশ  
 রেখেছে নিস্পিষ্ট করি রুদ্ধ ওষ্ঠ অধরের চাপে  
 সংশয়ে সংকোচে। এদিকে দানব-পক্ষী ক্ষুরশূন্যে  
 উড়ে আসে ঝাঁকে ঝাঁকে বৈতরণী নদী পার হতে  
 যন্ত্রপক্ষ হংকারিয়া নরমাংসক্ষুধিত শকুনি,  
 আকাশে কবিল অশুচি। মহাকাল-সিংহাসনে  
 সমাসীন বিচারক, শক্তি দাও, শক্তি দাও মোরে,  
 কর্ণে মোর আনো বজ্রবাণী, শিশুঘাতী নারীঘাতী  
 কুস্মিত বিভ্রাস্তা পরে ধিক্কার হানিতে পারি যেন  
 নিত্যকাল র'বে যা স্পন্দিত লজ্জাতুর ঐতিহ্যের



হৃৎস্পন্দনে, রুদ্ধকণ্ঠ ভয়ার্ত এ শৃঙ্খলিত যুগ যবে  
নিঃশব্দে প্রচ্ছন্ন হবে আপন চিতার ডস্মতলে।

শান্তিনিকেতন

২৫।১২।৩৭

---

১৮

নাগিনীরা চারি দিকে ফেলিতেছে বিষাক্ত নিশ্বাস,  
শান্তির ললিত বাণী শোনাইবে ব্যর্থ পরিহাস—  
বিদায় নেবার আগে তাই  
ডাক দিয়ে যাই  
দানবের সাথে যারা সংগ্রামের তরে  
প্রস্তুত হতেছে ঘরে ঘরে।

শান্তিনিকেতন

২৫।১২।৩৭

---

# এই ডিজিটাল সংস্করণ সম্পর্কে

এই ই-বই অনলাইন গ্রন্থাগার [উইকিসংকলন](https://bn.wikisource.org)<sup>[১]</sup> হতে প্রাপ্ত। স্বেচ্ছাসেবীদের দ্বারা নির্মিত এই বহুভাষী ডিজিটাল গ্রন্থাগার উপন্যাস, কবিতা, পত্র-পত্রিকা ইত্যাদি সমস্ত ধরনের প্রকাশনার মুক্ত সংকলন গড়ে তোলার জন্য অঙ্গীকারবদ্ধ।

আমরা কপিরাইটমুক্ত অথবা মুক্ত লাইসেন্সের অধীনে প্রকাশিত বইগুলিকে বিনামূল্যে প্রদান করে থাকি। আপনি আমাদের ই-বইগুলিকে [ক্রিয়েটিভ কমন্স অ্যাট্রিবিউশন-শেয়ারঅ্যালাইক ৩.০ আনপোর্টেড](https://creativecommons.org/licenses/by-sa/3.0/deed.bn) লাইসেন্স<sup>[২]</sup> বা [জিএনইউ ফ্রি ডকুমেন্টেশন লাইসেন্সের](http://www.gnu.org/copyleft/fdl.html)<sup>[৩]</sup> শর্তাধীনে বাণিজ্যিক উদ্দেশ্য সহ যে কোন উদ্দেশ্যে ব্যবহার করতে পারেন।

উইকিসংকলন সর্বদা নতুন সদস্যদের জন্য উন্মুক্ত। এই ই-বইয়ে কিছু ভুল ভ্রান্তি থেকে যাওয়া সম্ভব, সেক্ষেত্রে আপনি [এই পাতায়](#) জানাতে পারেন<sup>[৪]</sup>।

নিম্নে তালিকাভুক্ত ব্যবহারকারীরা এই ই-বইয়ে অবদান রেখেছেন:

- Bodhisattwa
- Hrishikes

- 
1. [↑ https://bn.wikisource.org](https://bn.wikisource.org)
  2. [↑ https://creativecommons.org/licenses/by-sa/3.0/deed.bn](https://creativecommons.org/licenses/by-sa/3.0/deed.bn)
  3. [↑ http://www.gnu.org/copyleft/fdl.html](http://www.gnu.org/copyleft/fdl.html)
  4. [↑ https://bn.wikisource.org/wiki/উইকিসংকলন:লিপিশালা](https://bn.wikisource.org/wiki/উইকিসংকলন:লিপিশালা)

